



## SUN waxay ka iftiimaysaa Woodlawn

Tiro badan oo ka mid ah dhalooyinka biyaha ee dib loo habeeyay ‘recycled’ ee “ubaxa” laga sameeyay ayaa ka soo lusha saqafka. Dhawaqa durbaanka baaldiga ‘bucket drums’ oo 20 ka kooban ayaa ka soo baxaya goobta wax lugu soo bandhigo ‘auditorium’. Carruurta ayaa qayliya iyaga oo ku faraxsan meesha biyuhu ka soo burqanayaan ‘fountain’ ee tijaabada sayniska ee Diet Coke.

Marnaba ma jiro waqti laga xiiso dhaco Ma ji xerada ‘camp’ xagaaga la aado ee SUN ee ku taala dugsiga Woodlawn, halkaasi oo 40 ay ardayda fasallada labaad iyo sadexaad ay ku bartaan xisaabta, sayniska iyo akhriska/qoraalka—iyaga oo waxooga sawaxan ah ka sameeya—barnaamijkan kobcinta ee gaarka ah. Ardaydu waxay casharo ka helaan tiro ku dhawaad tiro badan oo macallimiin ah oo ka tirsan Woodlawn kuwaasi oo doortay in ay ka boodaan fasaxyadoodii xagaaga si ay uga qayb qaataan xerada ‘camp’.

“Macallimiintu si dhab ah ayay iskugu xirmeen si ay u taageeraan carruurta iyaga oo tusaaya in maalgelin lagu sameeyay,” ayay dhahday Lauren Lastrapes, oo ah maamulaha goobta Woodlawn SUN.

Inta lagu gudo jiro sanad dugsiyeedka 2016-2017-ka, wax ka badan kala bar 300 arday oo dhigta Woodlawn ayaa ka qayb qaatay barnaamijka dugsiga ka dib ee SUN “SUN” waxay u taagan tagay “Mideynta Dugsiyada Xaafadaha,” waana barnaamij ka qayb qaadashada dugsiga ka dhiga meel xaafadaha u dhexeeya isla markaana ay maamulaan Degaanka Multnomah, magaalada Portland, Latino Network iyo Self-Enhancement, Inc.

Qiyaasta sare ee ka qayb galka ardayga ee Woodlawn waxay markhaati u tahay saameynta SUN ay ku leedahay bulshada.

Macallimiinta xagaaga ayaa subax kasta ilaa hal saac dhiga fasallada xisaabta iyo akhriska/qoraalka iyada oo barnaamijka kooban ee toddobada usbuuc socdaa la arkay in uu leeyahay horumar waxbarasho oo muuqda.

Lionel Clegg, oo macalinka fasalka koowaad ka ah Woodlawn, ayaa bilowgii iyo dhammaadka xerada ‘camp’ qaaday imtixaanka aqoonta wax akhriska iyo xisaabta. Mid kasta oo ka mid ah ardaydiisa waxaa kordhay dhibcahiisa/buundadiisa; ardayada dhibicda/buundada ugu saraysaysa keentay bilowgii xagaagu waxay awooday in ay keento dhibicda/buundada ugu fiican ee imtixaankeeda xisaabta ee kama dambaysta ah, ardayga dhibicda/buundada ugu hooseysa keenay wuxuu arkay in dhibcihiisii/buundadiisu kordheen boqolkiiba 48 dhammaadkii xagaaga.

“Waxaan arkay daraasado la sameeyay oo lagu ogaaday in ardayda dhigata dugsiga hoose ay inta lagu jiro xagaaga lumiyaan boqolkiiba 46 aqoontii ay heleen sanad dugsiyeedka,” ayay dhahday Lastrapes. “Carruurta timaada xerada SUN ma yeeshaan farqiigaasi ku yimaada waxbarashada—qaar ka mid ah iyaga xataa waxay kordhiyaan horumarka sanad dugsiyeedkooda.”

Subax dhawayd fasalladooda waxbarasho ka dib, ardaydu waxay ka qayb qaateen laba fasal oo midkiiba saacad socday oo dhanka kobcinta ah. Waxaa ka mid ahaa: wax karinta, naadiga STEAM, sayniska hawada, durmaanka baaldiga 'bucket drumming', saynis iyo wax beerid aan caadi ahayn.

Durmaanka baaldiga, Eddie Jackson wuxuu dadka u qaybiyaa baaldiyo 'buckets' badan oo cad oo laga keenay dukaanka Lowe's iyo tiro badan oo ah ulaha durmaanka 'drum sticks'. Wuxuu kooxda geliyaa saf toosan iyaga oo kuraas ku fadhiya oo isaga ka soo horjeeda isla markaana wuxuu qabtaa cayaarta loo yaqaan "Simon Says." Jackson wuxuu si fudud u garaacaa durmaanka, iyada oo ardayda ay ka daba garaacaan habka durmaanku u dhacayo.

Ka dib marka la tababarto, ardayda ayaa qofba mar sameeyaa isaga oo fasalka u hoggaaminaya cayaartooda u gaarka ah ee Simon Says.

[HALKAN DHAGEYSO]

Sayniska aan caadiga ahayn, ardayda ayaa ku soo urrura miiska u dhow beerta bulshada ee ka dambaysa dugsiga si ay iskugu dayaan in ay gacmahooda ku sameeyaan, ka dibna tijaabiyaan, aragtidooda ka dhiibtaan.

Miiska waxaa kor saaran dhalooyin hal litir ah oo ah Coke, Diet Coke iyo Sprite.

"Haddii aan shan nacnaca Mentos ku ridno dhalooyin kasta," ayay dhahday Maryam Lowe, iyada oo kor u haysa nacnac si ay carruurta u arkaan, "kee baa yeelanaya meesha biyuhu ka soo baxaan 'fountain' ee ugu dheer?"

Waxay ku dhawaaqaan doorashadooda.

"Aynu aragno, markaa!" ayay dhahday Lowe. Waxay cantoobo 'handful' oo ah nacnaca Mentos ku ridaa dhalada u horaysa. Ardaydu way soo foorarsadaan si ay u fiirsadaan, iyaga oo qaarka mid ahi xusulkooda kor saaraya miiska. Marka biyuhu ka soo burqadaan dhalada Sprite ku jiro, dib ayay isku leexiyaan iyaga oo yaaban, qaylinaya isla markaana sacabka tumaya.

Waxay diyaar u yihiin dhalada labaad iyo ta saddexaad, iyaga oo boodboodaya isla markaana farxad la qaylinaya isla marka uu nacnaca Mentos dhalada ku dhex dhacdo.

[FIIDIYAHA HALKAN]

Maalinta dhammaadkeeda, macallimiinta, ardaydu way wada daalan yihiin, laakiin waa kuwo faraxsan.

"Waxaan is lahayn waxay noqon doontaa mid aad u fiican in carruurta helaan hawlo dheeraad oo sayniska ku saleysan," ayay dhahday Lastrape, "Qaar ka mid ah waxay u maleynayaan in aanay jeclayn sayniska. Laakiin halkan, waxaanu ku cadaadin karnaa in ay helaan khibrado cusub, waxayna arki karaan waxa ay jecel yihiin in ay sameeyaan. Waxay ka tageen dugsiga SUN iyaga oo wax kororsaday."

-Laura Hanson